


廣弘明集

卷十一

四百七十七  
亦一

51371



元祿九年壬子二月日重修

皇圖聖圖 帝階級呂

佛日增輝 懋輪常轉

山城州天安寺法金剛院置



廣弘明集卷第十一

亦

大唐西明寺釋

道宣撰

辨惑篇第二之七

唐上廢省佛僧表

太史令傅奕

唐廢省佛僧箴

附前表彈

沙門釋法琳

唐破邪論

井序

沙門釋法琳

唐上廢省佛僧表

井箴附

太史令朝散大夫臣傅奕上減省寺塔廢僧

居事十有一條

臣奕言臣聞羲農軒頊治合李老之風彈曰

詩云上以風化下下以諷刺上老子在周為

守書藏吏如今秘書官也本非天子有何風



化令義農上帝與之合治虞夏湯姬政符周  
孔之教彈曰周公孔子竝是國臣上述虞夏  
之教下化澆薄之民亦非人王不得自爲教  
主豈令虞夏四君却符周孔之教耶雖可聖  
有先後道德不別君有公草治術尚同竊聞  
八十老父擊壤而歌十五少童鼓腹爲樂耕  
皆讓畔路不拾遺孝子承家忠臣滿國然國  
君有難則徇命以報讎彈曰旣國竝忠臣何  
得有難田常六卿之徒不應起逆也父母有  
疴則終身以側侍豈非曾參閔子之友庠序  
成林墨翟耿恭之儔相來羽翊彈曰二十九  
代止一曾參漢高已前獨推閔子成林之言

無實羽翊之奏本虛事太過矣乃有守道含  
德無欲無求彈曰州吁叔段不能守道夏桀  
殷紂唯事貪求寵辱若驚職參朝伍彈曰潘  
崇羿從未肯若驚季氏陽貨亦居朝位荆山  
鼎上攀附昇龍緱氏壇邊相從駕鶴瑤池王  
母之使具禮來朝碧海無夷之神周行謁帝  
所以然者當此之時共遵李孔之教彈曰黃  
帝昇龍蓋是三皇之世瑤池王母復是周穆  
之時計此李老未出之前孔丘無名之日不

應返遵老教却習孔書有也而妄胡佛改也

彈曰汝既稱無佛亦不得有道自漢明夜寢

金人入夢傳教對語辨曰胡神彈曰周世不

事傳毅豈知有併量已先未早有傳氏得先  
先祖言併汝及獲無五逆重殃自貽永却也

後漢中原未之有信彈曰虛辭太過魏晉夷

虜信者一分彈曰礼樂衣冠晉朝始備汝既

謗言夷虜中夏是推吳笮融託併裔而起逆

逃竄江東呂光假征胡而叛君峙立西土彈

日時人疾融謗云結聚呂光征還笮主則破

逐居何右霸在涼州亦不內僧叛居西土也

降斯已後妖胡滋盛太半雜華箴曰慈悲所

熏出于末却惡世有緣得度正在於斯搢紳

門裏翻受秃丁却戒儒士学中倒說妖胡浪

語箴曰搢紳遵惡辱之服儒士貴金口之談

曲類蛙歌聽之喪本真同鮑肆過者失香

日食汝蛙聲揚汝鮑肆聽之必知喪本過者

寧不失香仰面唾天自受其辱斯言信矣兼

復廣置伽藍壯麗非一箴曰造生天之業種

脫苦之因勞役工匠獨坐泥胡箴曰爭運身

手儀像聖尊也撞華夏之洪鐘集蕃僧之偽

衆箴曰鳴百練之神鐘召三千之聖衆勤淳

民之耳目索營私之貨賄箴曰感信心之耳

日資貪癡之貨賄也女工羅綺剪作淫祀之

穠巧匠金銀散雕今利之塚箴曰女工羅綺

造續命之穠巧匠金銀起碎身之塔也杭梁麵

米橫設僧尼之會香油蠟燭枉照胡神之堂

箴曰玃梁米麵爭陳福田之會香油蠟燭求  
照慈悲之堂剝削民財割截國貯朝廷貴臣  
曾不一悟良可痛哉彈曰朝廷稽古捨俗歸  
真崇敬釋門不同邪見伏惟

陛下定天門之開闔更新寶位通萬物之屯  
否再育黔黎布李老無爲之風而民自化執  
孔丘愛敬之禮而天下孝慈且佛之經教妄  
說罪福箴曰原教所由示人斷惡之門開人  
行善之路軍民逃役剝髮隱中不事二親尊  
行十惡箴曰捨二親之恩愛修十善之仁風  
忍其小違以成大順也已歲月不除姦媿逾  
甚臣閱覽書契爰自庖犧至於漢高二十九



代四百餘君但聞郊祀上帝彈曰圓丘南郊  
不免殺牲之各豈如佛戒不殺為先校量是  
非斷可知矣官治民察未見寺堂銅像建杜  
寧邦請胡佛邪教退還天竺箴曰緣感則興  
事濟便息來往應物隱顯隨時凡是沙門放  
歸桑梓令逃課之黨普樂輸租避役之曹恒  
忻効力勿度小秃長揖國家彈曰昔嚴子陵不  
拜天子趙元叔長揖司空典籍稱其美也況  
沙門是出世福田釋氏為物外高士欲令拜  
謁違損處深理不可也自足忠臣宿衛宗廟  
則大唐廓定作造化之主百姓無事為義皇  
之民彈曰造化之世人不輸租義皇之民鼓

腹而卧聖明在上豈信崔皓姜斌之詞者臣  
奕誠惶誠恐彈曰事君盡忠言而有信聞奏  
不實罪有所皈誣罔國家終須伏劍豈誠惶  
誠恐能了者矣也

謹上益國利民事十有一條如左謹言彈曰  
如汝所奏損國害民事不可也

武德四年六月二十一日

上秦王論啓

沙門法琳等啓琳聞情切者其聲必哀理正  
者其言必直是以窮子念達其言勞人願歌  
其事何者竊見大業末年天下喪亂二儀黷  
黷四海沸騰波震塵飛丘焚原燎五馬絕浮

江之路七重有平壘之歌烽燧時警羽檄竟  
馳關塞多虞刁斗不息道消德亂運盡數窮  
轉輸寔繁頭會箕斂積屍如莽流五爲川人  
不聊生物亦勞止控告無所投骸莫從百姓  
苦其倒懸萬國困其無主豈圖法輪絕響正  
教陵夷聖上興弔俗之心百姓順昊天之命爰舉  
義旗平一區宇當時道俗蒙賴華戎胥悅於  
是叶天地而通八風測陰陽而調四序和邦  
國序人倫功蓋補天神侔立極降雲雨而生  
育開日月以照臨發之以聲明紀之以文物  
恩霑苻葦施洽蟲魚方欲重述九疇再敷五  
教興石渠之學布庠序之風遠紹軒羲近同

文景功業永隆不知手之舞之足之蹈之有  
矣竊見傅奕所上之事披覽未遍五內分崩  
尋讀始周六情破裂嗚呼邪言惑正魔辯逼  
眞猶未足聞諸下愚況欲上干天聽但

奕職居時要物望所知何容不近人情無辜  
起惡然其文言淺陋事理不詳辱先王之典  
謨傷人倫之風軌何者夫人不言言必有中  
夫子曰一言合理則天下歸之一事乖常則  
妻子背叛觀奕所上之事括其大都窮其始  
末乃罔冒闕庭處多毀辱聖人其切如弈此  
意本欲因茲自媒苟求進達實未能益國利  
人竟是惑弄朝野然陛下應天順時握圖受

蘇赴萬國之心當一人之慶扶危救世之力  
夷兇靜難之功固以威蓋前王聲高往帝爰  
復存心三寶留意福田預是出家之人莫不  
感戴天澤但由僧等不能遵奉戒行酬報國  
恩無識之徒非違造罪致令傳奕陳此惡言  
躡踊痛心投骸無地然僧尼有罪甘受極刑  
恨奕輕辱聖人言詞切害深恐邪見之者因  
此行非案春秋魯莊公七年夏四月恒星不  
現夜明如日即佛生時之瑞應也然佛有真  
應二身權實兩智三明八解五眼六通神曰  
不可思議法号心行處滅其道也運衆聖於  
泥洹其力也接下凡於苦海自後漢明帝永

平三年夢見金人已來像教東流靈瑞非一  
具在漢魏諸史姚石等書至如道安道曇之輩皆  
澄羅什之流並有高行深解當世名僧盡被  
君王識知貴勝崇重自五百餘年已來寺塔  
遍於九州僧尼溢於三輔並由時君敬信朝  
野歸心像教興行於今不絕者寔荷人王之  
力也世間君臣父子猶謂恩澤難酬昊天不  
報況佛是衆生出世慈父又爲凡聖良鑒欲  
抑而挫之罪而辱之不可得也仰尋如來智  
出有心豈三皇能測力包造化非二儀可方  
列子云昔商太宰誥問孔丘曰夫子聖人歟  
孔子對曰丘博識強記非聖人也又問三王

聖人歟對曰三王善用智勇聖非丘所知又  
問五帝聖人歟對曰五帝善用仁信聖亦非  
丘所知又問三皇聖人歟對曰三皇善用時  
政聖亦非丘所知太宰大駭曰然則孰爲聖  
人乎夫子動容有間曰西方之人有聖者焉  
不治而不亂不言而自信不化而自行蕩蕩

乎民無能名焉若三王五帝必是大聖孔丘  
豈容隱而不說便有匿聖之愆以此校量推  
佛爲大聖也老子西昇經云吾師化遊天竺  
善入泥洹符子云老氏之師名釋迦文直就  
孔老經書師敬佛處文證不少豈奕一人所  
能謗讚昔公孫龍著堅白論罪三王非五帝

至今讀之人猶切齒已爲前鑑良可悲夫  
主上至聖欽明方欲放馬休牛軾間封墓興  
皇王之風開釋老之化狂簡之說尤可焚之  
若言帝王無佛則大治年長有佛則虐政祚  
短者案堯舜獨治不及子孫夏殷周秦王政  
數改蕭牆內起逆亂相尋介時無佛何因運  
短但琳預居堯世日用莫知在外見不便事  
恐蕃國遠聞謂華夏無識夫子曰言滿天下  
無口過行滿天下無怨惡言之者欲使無罪  
聞之者足以自誠傳弈出言不遜聞者悉驚  
有穢國風特損華俗謹錄丹欵冒以啓聞伏  
惟大王殿下天挺英靈自然岐嶷風神穎越



器局含弘好善爲樂邁彼東平溫易是歡更  
方西楚加以阿衡百揆式序六條德旣褰羅  
仁兼裂網開康莊之第坐荀卿之賓起脩竹  
之園醺文雅之客莫不詩極緣情而賦窮體  
物信可譽形朝野美貫前英者焉但琳等內  
顧闡如方圓寡用念傅奕下愚之甚媿凡僧  
禿丁之呵惡之極也罪莫大焉自尊盧赫胥  
已來天地開闢之後未有如奕之狂教也不  
任斷骨痛心之至謹錄奕害事輒述鄙詞件  
荅如左塵黷威嚴伏增殞絕謹啓

武德五年正月

弈云海內勤王者少樂私者多乃外事胡佛

內生邪見剪剃髮膚迴換衣服出臣子之門  
入僧尼之戶立謁王庭坐看膝下不忠不孝  
聚結連房且佛在西域言妖路遠統論其教  
虛多實少捨親逐財畏壯慢老重富強而輕  
貧弱愛少美而賤耆年以幻惑而作藝能以  
矯誑而爲宗旨然佛爲一姓之家鬼也作鬼  
不兼他族豈可催駈生漢供給死胡賤此明  
珠貴彼魚目違離嚴父而敬他人何有跪十  
箇泥胡而爲卿相置一盆殘飯得作帝王據  
佛邪說不近人情且佛捐瞽大言不及旃孟  
奢侈造作罪深桀紂入家破家入國破國者也  
對曰夫出家者內辭親愛外捨官榮志求無

上善提願出生死苦海所以棄朝宗之服披  
福田之衣行道以報四恩立德以資三有此  
其之大意也若言佛爲胡鬼僧是禿丁者案  
孔子經書漢魏已來內外史籍略引孔老師  
敬佛處文證如左以荅邪人冀其伏罪道士  
法輪經云若見沙門思念無量願早出身以

香佛真

又云若見佛啣思念無量當願

一切普入法門太上清淨消魔寶真安志智  
慧本願大戒上品經四十九願云若見沙門  
尼當願一切明解法度得道如佛老子昇玄經  
云天尊告道士張陵使往東方詣佛受法道  
士張陵別傳云陵在鶴鳴山中供養金像轉

讀佛經

昇玄又云東方如來遣善勝大士詣太上曰  
如來聞子爲張陵說法故遣我來看子語張  
陵曰卿隨我往詣佛所當令子得見所未見  
聞所未聞陵即禮大士隨往佛所  
老子西昇經云吾師化遊天竺善入泥洹智

慧觀身大戒經云道學當念旋大梵流影宮  
禮佛昇玄經云若有沙門欲來聽經觀齋供  
主不得計飲食費遏截不聽當推置上坐道  
士經師自在其下昇玄又云道士設齋供若  
比丘來者可推爲上座好設供養道士經師  
自在其下若沙門尼來聽法者當隱處安置

推爲上座供主如法供養不得遮止也化胡  
經云願採曼曼華願燒栴檀香供養千佛身  
稽首禮定光

又云佛生何以晚泥洹一何早不見釋迦文  
心中常懊惱靈寶消魔安志經云道以齋爲  
先勤行當作佛新本並改云勤行登金闕故

設大法橋普度諸人物老子大權菩薩經云  
老子是迦葉菩薩化遊震旦又靈寶法輪經  
云葛仙公生始數日有外國沙門見仙公禮  
拜兩手抱持而語仙公父母曰此兒是西方  
善思菩薩今來漢地教化衆生當遊仙道白  
日昇天仙公自語弟子云吾師姓波闍宗字

維那訶西域人也

仙公請問衆聖難經云葛仙公告弟子曰昔與釋道徵竺法開張太鄭思遠等四人同時發願道徵法開二人願爲沙門張太鄭思遠願爲道士

仙公起居注云于時生在葛尚書家尚書年逾八十始有此一子時有沙門自稱天竺僧於市大買香市人怪問僧曰我昨夜夢見善思菩薩下生葛尚書家吾將此香浴之到生時僧至燒香右遶七匝禮拜恭敬沐浴而止仙公請問上經云與沙門道士言則志於道上品大戒經校量功德品云施佛塔廟得千

倍報布施沙門得百倍報

昇玄內教經云或復有人平常之時不肯作福見沙門道士說法勸善了無從意云云

道士陶隱居禮佛文一卷 智慧本願大戒

上品經曰施散佛僧中食塔寺一錢已上皆二萬四千倍報功少報多世世賢明翫好不絕七祖皆得入無量佛國

仙公請問經云復有凡人行是功德願為沙門道士大博至後生便為沙門大學佛法為衆法師

復有一人見沙門道士齋靜讀經乃笑曰彼向空吟經欲何希耶虛腹日中一食此罪人也

道士乃慈心喻之故執意不釋死入地獄考  
毒萬苦

仙公請問經云五經儒俗之業道佛各歎其  
教大歸善也

太上靈寶真一勸誡法輪妙經云吾歷觀諸  
天從無數劫來見道士百姓男子女人已得  
無上正真之道高仙真人自然十方佛皆受  
前卅勤苦求道不可稱計

法輪妙經云道言夫輪轉不滅得還生人中  
大智慧明達者從無數劫來學已成真人高  
仙自然十方佛者莫不從行業所致也

右錄道經師敬佛文如前



案周書異記云周昭王即位二十四年甲寅  
歲四月八日江河泉池忽然泛漲井泉並皆  
溢出宮殿人舍山川大地咸悉震動其夜五  
色光氣入貫太微遍於西方盡作青紅色周  
昭王問太史蘇由曰是何祥也由對曰有大  
聖人生於西方故現此瑞昭王曰於天下何  
如由曰即時無他一千年外聲教被及此土  
昭王即遣鐫石記之埋在南郊天祠前當此  
之時佛初生王宮也穆王即位三十二年見  
西方數有光氣先聞蘇由所記知西方有聖  
人處世穆王不達其理恐非周道所宜即與  
相國呂侯西入會諸侯於塗山以禳光變當

此之時佛久已處世至穆王五十二年壬申  
歲二月十五日平日暴風忽起發損人舍傷  
折樹木山川大地皆悉震動午後天陰雲黑  
西方有白虹十二道南北通過連夜不滅穆  
王問太史扈多曰是何徵也對曰西方有大  
聖人滅度衰相現耳穆王大悅曰朕常懼於  
彼今已滅度朕何憂也當此之時佛入涅槃  
也史錄曰吳太宰嚭問於孔子曰孰爲聖人  
乎孔子曰西方之人有聖者焉不治而不亂  
不言而自信不化而自行蕩蕩乎民無能名焉

右錄孔書稱歎佛文如前

弈云僧尼六十已下簡使作民則兵強人衆

弈云寺多僧衆損費爲甚。結是寺舍請給孤老貧民無宅。義士三萬戶。州唯置一寺草堂。土塔以安經像。遣胡僧二人傳示胡法。弈云西域胡者惡泥而生。便事泥瓦。今猶毛臊人面而獸心。土梟道人驢騾四色貪逆之惡種。佛生西方非中國之正俗。蓋妖魅之邪氣。弈云庖犧已下二十九代。父子君臣立忠立孝。守道履德。生長神州。得華夏正氣。人皆淳朴。以世無佛故也。

弈云秦起秦仲三十五世六百三十八年。弈去帝王無佛。則大治年長有佛。則虐政祚短。自庖犧已下二十九代而無佛法。君明臣

忠國祚長久

弈云未有佛前人民淳和世無篡逆者

弈云佛來漢地有損無益入家破家入國破國  
弈云趙建武時有道人張光反梁武時僧先  
反況今僧尼二十萬衆須早廢省

一荅廢省僧尼事者

對曰夫形迹易察而真偽難明自非久處未  
可知矣昔遠法師荅桓玄書云經教所述凡  
有三科一者禪思入微二者諷味遺典三者  
興建福業然有興福之人不存禁戒而迹非  
阿練者或有多誦經文諷詠不絕而不能暢  
說義理者或有年已宿長雖無三科可紀而

體性真正不犯大非者以此校量取捨難辨  
案出家功德經云度一人出家勝起寶塔至  
于梵天何者人能弘道自利利他潔已立身  
住持三寶津梁七世資益國家請有罪者依  
法苦治無過者爲國行道  
一荅毀寺給民草堂安像

對曰法流漢地五百餘年寺舍僧尼積出來  
有龕塔堂殿皆是先代興營房宇門廊都由  
信心起造或爲存歿二親及經生七世求將  
來勝報種見在福田咸出彼好心非佛僧課  
立書云成功不毀故子產不毀伯夷之廟夫  
子謂之仁人況佛爲三界良田四生父母唯

可供養不可毀除佛雖去世法付人王伏惟  
陛下再造生民重興佛道即是如來大檀越  
主請遵漢明永平之化近同文帝開皇之時  
一荅西域胡者人面獸心貪逆惡種佛生西  
方妖魅邪氣者

對曰案史記歷帝王儉目錄及陶隱居年紀  
等云庖犧氏蛇身人首大庭氏人身牛頭女  
媧氏亦蛇身人頭秦仲衍鳥身人面夏禹生  
於西羌文王亦生西羌簡狄吞鷦卵而生契  
伯禹割母胷背而出伊尹託自空桑元氏魏  
主亦生夷狄然並應天明命或南面稱孤或  
君臨萬國雖可生處僻陋形貌鄙麤而各御

天威人懷聖德老子亦託牧母生自下凡何  
得以所出庸賤而無聖者乎夫子云君子之  
居何陋之有信哉斯言也僉曰有道則尊豈  
簡高下故知聖應無方隨機而現尋釋迦祖  
祢蓋千代輪王之孫刹利王之太子期兆斯  
赴物感則形出三千世界之中央南閻浮提  
之大國垂教設方但以利益衆生爲本若言  
生在羗胡出自戎虜便爲惡者太昊文命皆  
非聖人老子文王不足師敬

案地理志西域傳言西胡者但是葱嶺之東  
三十六國不關天竺佛生之地若知妄說何  
罪之深若不知浪言死有餘責

一谷庖犧已下二十九代父子君臣立忠立  
孝守道履德稟華夏正氣者

對曰史記淮南等云黃帝時蚩尤銅頭鐵額  
作亂天下與黃帝戰于坂泉以登帝位蚩尤  
逆命復戰涿鹿之野凡經五十二戰顓頊時  
龔公作亂頭觸不周山天柱折地傾危顓頊  
又誅三苗於左洞庭右彭蠡汲冢竹書云舜  
囚堯於平陽取之帝位今見有囚堯城舜又  
與有苗戰于丹水之浦堯上射九日落其鳥  
羽楚詞十日代出流金鑠石繳大鳳於青丘  
斬脩蛇於洞庭戮封豕於大澤殺九嬰於泗  
水尚書云洪水滔天壞山襄陵黎民阻飢百



姓昏墊禹時百姓各以其心而柏谷子退耕  
於野三苗不修德政禹親滅之夏桀之居左  
河濟右太華伊闕在其南羊腸背其北焚皇  
圖殺龍逢囚成湯縱未嬉修政不仁湯放滅  
之湯凡九征二十七戰大旱七年河洛竭流  
銷金爛石高宗伐鬼方三年般紂辛迷惑妲  
己恣十惡之害流五虐之刑剖賢人之心剝  
孕婦之腹囚文王禁箕子周武王伐紂於牧  
野血流漂杵誅之鹿臺王親射紂躬懸頭太  
白之旗而夷齊非之不食其粟孔子曰武盡  
美矣未盡善也武王之世三監作亂成王之  
日二叔流言宣王六月出征詩云薄伐獫狁

至于太原採薇遣戍役云比有獫狁之難西  
有昆夷之患採芑又云宣王南征

對曰上來所道並是三皇已下三王之時必  
能守道履德懷忠奉孝介時無佛足可清平  
何爲世世興師兵戈不息至於毒流百姓殃  
及無辜乃爲姚石慕容永嘉之世豈名蕩蕩  
無爲之時邪見失言一何謬矣一荅秦仲已  
下三十五世六百餘年者

對曰史記云自殷已前諸侯不可得而譜爲  
多失次第年代難知故尚書但以甲子爲次  
第而無年月者良以史闕不記也邪見乃始於  
秦仲迄于二世有六百餘年者一往似長出

何的證案春秋已前秦本未有春秋已來始有  
秦伯當春秋時秦仲時雖漸霸但是周之小邑  
孝王之世令非子放馬於汧渭之間不承天  
命未有正朔曾孫秦仲宣王之世始受車馬  
侍御之臣仲孫襄公以送平王東遷進爵爲  
伯文公已下始見史記自茲訖滅不過二百  
餘年史記竹書及陶公年紀皆云秦無曆數  
周世陪臣故隱居列之在諸國之下何因得  
有年紀續至胡亥史記但從厲公列之一百  
一年終于二世縱有年代皆附春秋自無別  
紀赧王之末秦昭襄王因周微弱始滅周國  
僭号稱王諸史相承秦唯五世四十九年齊

秘書楊玠史目云秦自始封至滅凡三十五世六百餘年者蓋取始封秦号經六百餘年非霸統中國經多年也邪見乃延秦短祚冒上長年一何虛妄哉

一荅帝王無佛年長有佛祚短自庖犧已下爰至漢高二十九代君明臣忠者

對曰夫理貴深據言資實錄何故庖犧獨治不及子孫堯舜二君位居五帝堯則翼善傳聖舜亦仁盛聖明如尚書二典論其化民治道功業最高民無能名則天之明君也堯又廢兄自立其子丹朱不肖舜則父頑母嚚並止一身不能及嗣今時無佛何不世世相傳

遽早磨滅

隱居年紀云夏禹治九年

羿篡十五年

浞篡十二年

夏皋十一年

夏發十二年

對曰書云舜禹之有天下也巍巍乎其有成  
功煥煥乎其有文章大禹謨云禹能卑宮菲  
食皂帳緋衣而盡力於溝洫爲民治水於民  
有功若皇天輔德何爲天祚不永治止九年  
勤年紀云夏后相及少康之世其臣有窮羿  
寒浞及風夷淮夷黃夷斟尋等國並相次作  
亂凡二十六年篡夏自立當時無佛篡逆由誰  
叛湯治十三年 外丁治三年

仲壬治四年

太甲治十年

浚丁治十三年

太戊治十年

外壬治三年

浚甲治四年

盤庚治九年

小辛治七年

對曰湯仁不殺開三面之網放夏桀於鳴條之野甚有仁德今時無佛何以天曆不長外

丁外壬其年轉促尚書云湯行九伐太甲五

征伊尹立湯子勝又立勝弟仲壬又放太甲

于邠宮汲冢書云伊尹自篡立後太甲潛出

親殺伊尹而用其子既稱忠朴之世今時無

佛何爲豐起蕭牆君臣無道

周武王治十一年

懿王三年絕嗣

僖王五年

絕嗣

頃王六年

匡王六年

元王八年

列王七年

靜王六年

貞王八年

悼王一百一日

哀王三月

思王五月

對曰武王伐紂師渡孟津白魚入舟應天嘉

命謚法曰剋定禍亂曰武民賴來蘇式間封

墓休牛放馬治致太平汝言無佛年長何因

祚短治十一年懿王僖王更復絕嗣周武滅

佛壽祚更窮子孫披猖須臾運徙

秦五世六君四十九年

昭王五年

滅周後始稱王在位五年

孝文王式一年

襄王楚三年

一 始皇政三十七年 胡亥三年

殤帝子嬰四十六日

對曰周顯王五年秦穆公始霸三十四年秦  
權周政竹書云自秦仲之前本無年世之紀  
陶公並云秦是篡君不依德政次第不在五  
運之限縱年長遠終非帝王以短為長指虛

為實有何意見秦時北築長城備胡偽殺扶  
蘇矯立二世陳勝蟻聚作亂關東

漢高祖十二年

惠帝七年

文帝高祖第四子非嫡 武帝本膠東王景帝

第六子非嫡

漢初匈奴入塞烽火

照甘泉宮南越不賓乃習水戰



孝景時吳楚七國皆反昭帝崩立兄  
子昌邑王即位二十七日凡有一千  
一百二十七罪霍光廢之後立宣帝  
此時無佛何為乃介

後漢凡十二帝一百九十五年

光武三十三年 孝明十八年

章帝十三年 和帝十七年

安帝十九年 順帝十九年

桓帝二十一年 靈帝三十一年

獻帝三十年

對曰後漢書云光武撥亂反政明帝致治升  
平民無百里之憂吏無出門之役麒麟入囿

神鳳栖桐赤雀文龜蒼烏白鹿嘉瑞備臻北  
民胥悅慶垂沕汨磅礴之恩布通天漏泉之  
澤論衡等書並云後漢嘉祥不慙周夏汝言  
有佛祚短何故長年

隱居云自魏皇初元年至蕭齊之末凡二百  
八十二歲

托跋元魏一十七君合一百七十九年亦時  
佛來何故年久

一荅佛未出前世無篡逆者

對曰何故周烈王弟顯王篡位四十八年慎  
王立一百一日為庶弟子朝所害敬王弟哀  
王治三月思王外哀王弟治五月思王殺之

孝王復殺思王三王共立一年

出陽珍史目  
陶公年紀

弈云西域胡旦末國兵三百二十人小宛國  
兵二百人戎盧國兵三百人渠勒國兵三百  
人依耐國兵三百五十人郁立師國兵三百  
三十一人單相國兵四十五人孤胡國兵四  
十五人凡八國胡兵合有一千八百九十一  
人皆得紹其王業據其土地自相征伐屠戮  
人國況今大唐僧尼二十萬衆共結胡法足  
得人心寧可不備預之哉

對曰檢漢書西域傳云沮沫小宛等八國並  
是葱嶺巴東漢域胡國計去長安不經万里  
本非天竺佛生之地又無僧尼在中謀逆縱

彼造惡何關此僧但弈狂鬼入心外與邪說  
虛引往事假謗今賢達者知其浪言愚人必  
生異見惑亂朝野深可痛哉

一荅佛來漢地有損無益入家破家入國破  
國漢明之時佛法始來者

大唐聖朝正信君子論曰諸佛大人遊涅槃  
之妙苑住般若之真空不可以言象求不可  
以情慮揆形同法性壽等太虛但應物現身  
如水中月所以瞿師見三尺之貌羅漢覩丈  
六之容大滿虛空小入絲忽隨緣應質化無  
常儀尋釋迦之肇依後漢郊祀晉魏等書及  
王儉史錄費長房三寶錄考校普曜本行等

經並云佛是周時第十五王莊王他九年癸巳之歲四月八日乘栴檀樓閣現白象形從兜率下降中天竺國迦毗羅城刹利王種淨飯大王第一夫人摩耶之胎至十年甲午二月八日夜鬼宿合時於嵐毗園波羅樹下從摩耶夫人右脇而生放大光明照三千世界

瑞應經云沸星下現侍太子生本行又云虛空無雲自然而雨左傳云星隕如雨杜氏注解云蓋時無雲然與佛經符合信知佛生時也十九出家三十成道四十九年處世說法至周匡王四年壬子二月十五日後夜於拘尸城入般涅槃自滅度已來至大唐武德五

年壬午之歲計得一千二百二十一歲滅後  
一百一十六年東天竺國有阿育王收佛舍  
利役使鬼兵散起八萬四千寶塔遍閻浮提  
我此漢土九州之內並有塔焉育王起塔之  
時當此周敬王二十六年丁未歲也塔興周  
世經十二王至秦始皇三十四年焚燒典籍  
育王諸塔由此淪亡佛家經傳靡知所在如  
釋道安朱士行等經錄目云始皇之時有外  
國沙門釋利防等一十八賢者齎持佛經來  
化始皇始皇弗從乃囚防等夜有金剛丈六  
人來破獄出之始皇驚怖稽首謝焉問曰雖  
有此說年紀莫知以何爲證請陳其決荅曰

前漢成帝時都水使者光祿大夫劉向傳云  
向博觀史籍備覽經書每自稱曰余遍尋典  
策往往見有佛經及著列仙傳云吾搜檢藏  
書緬尋太史劄撰列仙圖自黃帝已下六代  
迄到于今得仙道者七百餘人向檢虛實定  
得一百四十六人又云其七十四人已見佛  
經矣推劉向言藏書者蓋始皇時人間藏書  
也或云夫子宅內所藏之書據此而論豈非  
秦漢已前早有佛法流行震旦也尋道安所  
載十二賢者亦在七十四人之數今列仙傳  
見有七十二人  
案文殊師利般涅槃經云佛滅度後四百五

十年文殊至雪山中爲五百仙人宣說十二部經訖還歸本土入于涅槃恒星之瑞即其時也案地理志西域傳云雪山者即葱嶺也其下三十六國先來屬秦漢以葱嶺多雪故号雪山焉文殊往化仙人即其處也詳而驗之劉向所論可爲證矣雖遭秦世藝除漢興復出所以荆楊吳蜀扶風洛陽有寶塔處皆發神瑞具在衆書依檢成帝鴻嘉三年歲在癸卯劉向撰列仙傳明天故知周世佛法久來生育人云有佛祚短良可悼矣依經律云釋迦正法千年像法千年末法萬年五千年已還四衆學者得三達智證四道果末法已



去猶披袈裟勘周書異記云穆王聞西方有佛遂乘驊騮八駿之馬西行求佛因以攘之據此而推同齊時統上法師荅高麗使云佛是西周第五主昭王二十四年甲寅歲生至武德五年得一千五百七十七年也信穆王之世法已東行劉向之言益爲明證矣又漢武帝鑿昆明池得黑灰以問東方朔朔云非臣所知可問西域胡人後外國沙門竺法蘭來因以事問蘭云是劫燒餘灰也方朔旣博識通人生知隳異無問不酬無言不荅豈容不達逆記胡人蓋是方朔又知佛法興行勝人必降故有斯對也佛旣去世阿難摠持一

言不失迦葉結集羅漢千人咸書皮紙並題  
木葉致令五百中國各共奉持十六大王同  
時起塔逮于漢世東流二京所經帝王十有  
六代翻梵經本爲漢正言相承至今垂六百  
祀是以佛日再曜起自永平之初經像重興  
發于開皇之始魏人朱士行沙門衛道安等  
並爲記錄揔其華戎道俗合有一百八十二  
人所譯經律論或大小乘三藏雜記等凡二  
千一百七十一部揔有六千四百四十六卷  
莫不垂甘露於四魔之境流慧日於三有之  
中汲引將來永傳勝業教人捨惡行善佛法  
最先益國利民無能及者汝言破家破誰家

破國破誰國邪見豎子無角畜生夙結豺心久  
懷蠱毒無絲髮之善負山岳之辜長惡不悛  
老而弥篤乃以生盲之慮忖度聖尊何異尺  
鷄之笑大鵬井蛙不信滄海可謂闡提逆種  
地獄罪人傷而憫之故爲論也尋夫七十  
二君三皇五帝孔丘李聃漢地聖賢莫不葬  
骨三泉橫屍九壤未有如佛舍利現瑞放光  
火燒不然砧鎚不碎於今見在立試可明且  
據此一條足知佛法之神德也震旦諸聖孰  
與爲儔乃欲毀而滅之事難容忍傷風敗俗  
虧損福田誑惑生民汙點朝野實可歎矣  
弈云佛法來漢無益世者

對曰準上以談此土先聖亦未可弔矣至如孔子周靈王時生敬王時卒計其在世七十餘年既是聖人必能匡弼時主何以十四年中行七十國宋代樹衛削迹陳絕糧避桓魋之殺慙喪狗之呼雖應聘諸國莫之能用當春秋之世文武道墜君暗臣姦禮崩樂壞介時無佛何因逆亂滋甚篡弒由生孔子乃俯俛順時逡巡避患難保妻子終壽百年亦無取矣或發匏瓜之言興逝川之嘆然復遜詞於季氏傷鳳鳥不至河不出圖及西狩獲麟遂返袂拭面稱吾道窮雖門徒三千刪詩定禮亦疾沒世而名不稱吾何以見於後世矣

遭盜跖之辱被丈人之譏校此而論足可知也若以無利於世孔老二聖其亦病諸何爲訥其木舌而不陳彈也

一荅寺饒僧衆妖孽必作如後趙沙門張光後燕沙門法長南涼道密魏文孝時法秀太和時惠仰等並皆反亂者

對曰檢崔鴻十六國春秋並無此色人出何史藉苟生誣枉誑惑君王請勘國史知其妄奏案前後漢書即有昆陽常山青泥淶林黑山白馬黃巾赤眉等數十羣賊並是俗人不關釋子如何不論後漢書云沛人道士張魯母有姿色兼挾鬼道往來劉焉之家焉後爲

益州刺史任魯爲督義司馬魯共別部司馬  
張修將兵掩殺漢中太守蘇固斷絕斜谷殺  
漢使者魯旣得漢中又殺張修而并其衆于  
時假託神言黃衣當王魯因與張角等相應  
合集部衆並戴黃巾披道士之服數十萬人  
賊害天下自據漢中垂三十載後爲曹公所  
破黃衣始滅尔時無一沙門獨饒道士何默不  
論然漢魏名僧德行者衆益國甚多何以不  
說但能揚惡專論人短豈是君子乎魏志曰  
張魯字公旗祖父陵客蜀學道在鶴鳴山造  
作道書以惑百姓從受道者出米五斗世号  
米賊陵死子衡傳業衡死魯復傳之陵爲天

師衡為嗣師魯為係師自号三師也素與劉  
焉善為死子璋立以魯不順殺魯母及家室  
魯遂據漢中以鬼道化民符書章禁為本其  
來學者初名鬼卒受道者用金帛之物号為  
祭酒各領部眾眾多者名治頭有病者令首  
過大都與張角相似

後漢皇甫嵩傳云鉅鹿張角自稱大賢郎師  
奉事黃老行張陵之術用符水祝法以治病  
遣弟子八人使於四方以行教化轉相誑惑  
十餘年間眾數十萬自青徐冀荆揚兗豫  
八州之民莫不必應遂置三十六方方猶將  
軍号也大方万余人小方六千人訛言蒼天

死黃天當立歲在甲子天下大吉以白土書  
京邑寺門皆作甲子字中平元年三月五日  
內外俱起皆著道士黃服黃巾或殺人祠天  
于時賊徒數十萬衆初起潁川作亂天下並  
爲皇甫嵩討滅

南鄭反漢而蜀亡

出魏書

孫恩習仙而敗晉

出晉書

道育醮祭因而禍宋

出宋書

于吉行禁殆以危吳

出吳書

公旗學仙而誅家

出華陽國志

陳瑞習道而滅族

事在晉陽春秋

魏華叛夫

出靈寶經序



張陵棄婦

見陵傳

子登背父衛叔去兄出神仙傳

右古來道士破家破國為逆亂者略引如前  
對曰自陵三世專行鬼道符書章醮出自道家  
禁厭妖孽妄談吉凶茲起然吳魏已下晉宋已來  
道俗為妖數亦不少何以獨引眾僧不論儒道二教  
至如大業末年王世充季密建德武周梁師都盧明月  
李軌朱粲唐弼薛舉等並是俗人曾無釋氏何為不道事  
偏理局黨惡嫉賢為臣不忠明矣  
弈云請胡佛邪教退還西域凡是僧尼悉令歸俗者

對曰莊周云六合之內聖人論而不議六合之外聖人存而不論老子云域中有四大而道居其一考詩書禮樂之致但欲修序彝倫明忠列孝慈之先意在敬事君父縱稱至德唯是安上治民假令要道不出移風變俗自衛反魯詎述解脫之言六府九疇未宜究竟之旨及養生齊物之談龍圖鳳紀之說亦可懷仁抱信遵厲鄉之志刪經讚象肆闕里之文次曰九流未云七略案前漢藝文志所紀衆書一万三千二百六十九卷莫不功在近益但未暢遠途皆自局於一生之內非迴拔於三世之表者矣遂使當現因果理涉且而

猶昏業報吉凶義經丘而未曉故知道遙一  
部猶迷有有之情道德二篇未入空空之境  
斯乃六合之寰塊五常之俗暮詎免四流浩  
汗為煩惱之場六趣誼譁造塵勞之業也原  
夫實相杳冥逾要道之要法身凝寂出玄之  
又玄惟我大師體斯妙覺二邊頓遣万德俱  
融不誼不寂安能以境智求非爽非昧胡可  
以形名取為小則小也而無內處大則大也而無  
外故能量法界而興悲揆虛空而立誓所以  
見生穢土誕聖王宮示金色之身吐玉毫之  
相布慈雲於鷲嶺則火宅燄銷扇慧風於雞  
峯則幽途霧卷行則金蓮捧足坐則寶座承

軀出則帝釋居前入則梵王從後左輔密迹  
以滅惡爲功右弼金剛以長善爲務聲聞菩  
薩儼若侍臣八部萬靈森然翊衛演涅槃則  
地現六動說般若則天雨四華百福莊嚴狀  
滿月之臨滄海千光照曜猶聚日之映寶山  
師子一吼則外道摧鋒法鼓暫鳴則天魔誓

首是故号佛爲法王也豈得與衰周迦葉比  
德爭衡末世儒童輒相睽類者矣是以天上  
天下獨稱調御之尊三千大千咸仰慈悲之  
澤然而理深趣遠假筌蹄而後悟教門善巧  
憑師友而方通統其教也八萬四千之藏二  
諦十地之文祇園鹿苑之談海殿龍宮之旨

玉謀金書之字七處八會之言莫不垂至道  
於百王扇玄風於萬古如語實語不思議也  
近則安國利民遠則超凡證聖故能形遍六  
道教滿十方實為世界福田蓋是蒼生歸處  
於時敬信之侶猶七曜之環北辰受化之徒  
如萬川之投巨海考其神變功業利益人天  
故無得而名也既滿恒沙之因故得常樂之  
果善矣哉不可測也但以時運未融遂令梵  
漢殊感所以西方先音形之奉東國暫見聞  
之益及慈雲卷潤慧日收光迺夢金人於永  
平之年覩舍利於赤烏之歲於是漢魏齊梁  
之政像教教興燕秦晉宋已來名僧間出或

畫滿月於清臺之側表相輪於雍門之外遠  
河北翻辭漢南著錄道興三輔信洽九州跨  
江左而彌殷歷金陵而轉盛渭水備逍遙之  
苑廬岳揔般若之臺深文奧旨發越來儀碩  
學高僧蟬聯遠至暨梁武之世三教連衡三  
乘並鶩雖居紫極情契汾陽屏酒肉而撤饗  
人薰戒香而味法喜恐四流而難拔躬以七  
辯能持乃輕袞飾而御染衣捨雕輦而敷草  
座於時廣創慧臺之業大啓寶塔之基梁記  
云東臺西府在位八十餘年都邑大寺七百  
餘所僧尼講衆常有萬人討論內典共遵聖  
業孜孜無倦各賦世榮也遂令五都豪族賦

將冕而歸依四海名家棄榮華而入道自皇  
王所居之士聲教所覃之域莫不頂禮迴向  
五體歸依利物之深其來久矣孔老垂化安  
能與京案三十六國春秋高僧名僧牟子等  
紀傳始後漢永平十年已來佛法東流政經  
十代年將六百名僧大德世所尊敬者凡二  
百五十七人傍出附見者及燕趙王公齊梁  
卿相等凡二百五十一人陳其行業大開十  
例一曰譯經二曰義解三曰神異四曰習禪  
五曰明律六曰遺身七曰誦經八曰興福九  
曰經師十曰唱道此例高僧皆德効四依功  
備三業法傳震旦寔所賴焉邪見隱而不論

但說五三惡者夫雪山之內本多甘露亦有  
毒草大海之中既有明珠亦饒羅刹喻崑岳  
缺於片石鄧林損其一枝耳復何可怪之哉

廣弘明集卷第十一

亦

傅弈

二字音

箴

誠音針

法琳

林下音

義農

上興宜

中伏義神

軒頊

軒下許玉反

五帝中

諷刺

鳳上反

農二帝也

湯姬

軒下居宜反

周之姓也

虞夏

浚

下賜反

擊壤

下汝養堯後

四代之帝

號也

報讎

下音痾

羽翊

下音州吁

命詞閏

夏桀

下渠

多累曰賊

般紂

下直九反

紂羿浞

上古音

善詣

射人曰桀

荆山

上音鼎

上音龍

黃帝

緝氏

助

反

京

昇

也

氏



上 古 侯 傅 毅 魚 上 音 既 付 下 夷 虜 魯 下 音 進 竄 下 音 簞 反 麈

反 縣 名 叛 君 皆 上 音 畔 峙 立 上 直 搢 紳 身 以 笏 進 反 麈

也 帶 也 今 之 士 大 秃 丁 上 僧 日 他 谷 反 謂 蛙 歌 上 瓜 反 烏 樺

夫 皆 曰 或 作 鮑 肆 蒲 外 反 撞 也 直 江 反 擊 反 烏 樺

反 哇 淫 歌 也 呼 杭 梁 下 音 庚 亦 作 粳 也 又 直 降 擊 反 烏 樺

下 財 賄 每 下 呼 杭 梁 下 音 庚 亦 作 粳 也 又 直 降 擊 反 烏 樺

納 反 思 開 闔 反 下 胡 塔 屯 否 下 皮 美 反 黔 黎 兼 反 巨

首 民 也 闕 覽 視 也 音 悅 庖 犧 反 上 步 厨 交

也 伏 義 皇 教 人 熟 食 也 采 梓 也 下 音 子 故 里 日 木 名

輸 租 下 上 式 姑 反 稅 納 也 元 淑 孰 下 音 故 里 日 木 名

薑 下 彼 誣 罔 上 音 誣 諛 謗 也 正 作 慘 黷 七 上 音 上

巾 反 下 誣 罔 上 音 誣 諛 謗 也 正 作 慘 黷 七 上 音 上

感 反 下 音 讀 上 正 原 燎 下 力 照 反 平 壘

軍 下 倫 水 也 反 烽 燧 夜 則 舉 火 以 為 遠 號 也 警 言 景 音

覺羽檄告下胡的以羽書牘也刁斗銅盤之屬軍

中夜擊如莽反下草朗聊生上郎控告貢上苦昊

天道上胡華戎中下華邊戎也胥悅反上息徐侔音

等苻葦云下羽鬼反德及草木也詩履施洽聲上去

也反也沽下侯敦彼行葦牛羊勿踐履市照

之盜上音無辜孤下音握圖角上於躡踊毗上亦反作下

音以足頓心日踊也上胡懇反頑溢反夷盈一

抑音以憶制地日也反也語人疋美反亦字駭下胡賣

匿隱尼力也反謗讀亦下音讀也軾間橫上音木也識車前

居反里也謗讀亦下音讀也軾間橫上音木也識車前

才木之間里也去魏文侯過之虐政酷上魚木也却下渠移

識力福才干居匿抑擗音以勇足頓心日踊也上胡懇反頑溢反夷盈一

百揆下求也 百官也 反 塞帷上反 荀卿上反 赫胥上

客反下息徐反 尊 開闢下亦開也 狂教下沒反 蒲

也 惡 殞絕反上 死也 敏 髮膚下音 矯誑反上 詐也 小

滑稽上音 骨捷不窮之 鷄狀一 旃孟上然反 奢

也 俊下昌反 鶴鳴各上 胡費方未反 遏截上於 葛反

也 泛漲反上 芳犯反 水大下知向 鑿石反上 刻也 天祠

下音詞 穆王上音 以攘下而章 白虹下音 紅

扈多上音 毛燥下反 蘇下反 土梟下反 驢騾下

和妖昧二下 眉反 篡逆反上 初患 龕塔上 苦課立上

過女媧下音 瓜 仲衍下音 西羌下 苦良 簡狄

的徒 契伯上音 殷祖音 薛 僻陋亦上 反 牧母上音 發音

庸賤凡上音 也 僉曰反上 皆也 廉 祖祢禮下 乃斯計正下

赴作戎虜下音太昊下道反蚩尤上尺反坂泉上音

涿鹿上卓音顛頊上許音彭蠡下湖音汲冢

知勇反急下鑠石上詩盛毒也反日繳音酌而射也戮

封豕反上音六殺人也獸也式旨九癭於郢反頸

涵水上拱反滔天上叨音昏墊下音五虐下却反妹嬉

反夏桀之下許也姐上紂之反已上丁反後也後也般也五虐下却反

酷耳也五虐謂斷頸剖反破開口剗音枯開

漂杵也上尚書云血流漂杵謂殺人多也

獫狁北狄也採薇下音採芑

下音起亦兵戈下古謬矣上反譜音補載識

迄許訖反菜兵戈二音牽謂赦王上女譜音補載識僭

号上子反玠音不肖謂不似也母嚚下音銀

嗣音寺也遠速其預反弄篡初患反奪也下浞反助角

姓寒名一宰阜下音高煥煥音菲食上芳尾反又

薄也綈衣繒上音深綠厚溝洫上反古侯亦溝也斟尋

上音郟宮地名音同豐禍許近反僖王許之彭王

靜音悼王盜音謚法示音披猖良下齒反徒斯綺

也殤帝傷上音子嬰盈下反一非嫡正下音的膠東音上移

交膠河之霍光郭上反麒麟也二音其隣瑞獸入

東登州也下音右養畜栖桐下音同梧止也臻側中

也也園之下苑曰音汨密下于筆反正自磅礪下音普耕反至

也也拓跋滑作上音汨密下于筆反正自磅礪下音普耕反至

國也肇音趙始費房未反郎右脇下園反烏

星隕反下墜也敏杜氏反徒創撰反上初狀藝除而上反虛

雪反  
燒也  
悼矣  
傷上  
音盜  
驊騮  
上戶  
瓜反  
下音  
花音  
而音  
赤周

也  
日也  
高麗  
下音  
離東  
鑿  
音  
雋異  
上音  
子  
童上  
音  
樹

豺心  
上音  
柴  
蠱毒  
上音  
忸度  
上音  
井

下徒  
尺鷃  
小雀  
音晏  
大鵬  
里六  
音朋  
一息  
九萬  
井

蛙  
中下  
烏瓜  
反  
井  
闡提  
信上  
佛昌  
法演  
人反  
日  
土  
謂不  
憫

之傷  
上音  
敏  
李聃  
老子  
名甘  
友  
九  
壤  
反下  
幽  
兩  
砧

鎚  
上知  
林  
反  
虧損  
亦上  
作苦  
為  
反  
匡弼  
皮

必桓  
下直  
上追  
反  
應聘  
朝下  
問  
併  
反  
篡弒  
患上  
初

奪也  
宛俛  
免上  
紆阮  
強反  
下  
音  
逡巡  
旬上  
七  
反

瓜  
上步  
交  
反  
正  
作匏  
孔  
日  
吾  
也  
返  
杖  
衣下  
彌  
祭  
反

盜跖  
下音  
賊  
人  
也  
訥  
言  
謇  
澁  
也  
妖孽  
正下  
作  
華  
反

挾

反胡帖

督義

上音篤

鶴鳴

上音各

反胡

係師

上音計

鹿

反巨上音

兗豫

州上音以

名並九

州下音之

數預

也二

訛

言

反和上音

朱祭

案下音

彝倫

常上音

也音

襄塊

上音

宇還

下

反傾對

暮

反莫胡

誼譁

音上音

花開也

下杏冥

反上音

煙曉

反

深遠之

凝寂

上音陵

森然

上音

音

翊衛

上音輔

翼

類

反連上音

筌蹄

上音

玉謀

下音

音

迺教興

上音

沒上音

雍

反門

用上音

跨

候化反

暨

及其器

反

鶩

音務

上音

屏酒

除上音

撤

上音

容

反列

反

下

汾陽

飾

反南

反衣也

攷

音息

之意也

不

冠冕

下音

覃

徒

反南

反衣也

攷

音息

之意也

不

冠冕

下音

覃

及

徒

反南

反衣也

攷

音息

之意也

不

冠冕

下音

覃

